

varo; ma non si sa però certo. Di represaje non si ha potuto far altro per esser stà tre feste, et uno dei deputati è amalato. Scrive, ozi sono andati al parentà del signor marchese de Licito, qual è di la fameja di Picolhomini, che ha maridado una fiola nel nepote di l'arzivescovo di Taranto di caxa Poderica etc.

141^a Fu posto, per li Consieri, che sier Gasparo Contarini electo orator a la Cesarea e Catolica Maestà, qual ha aetado possi venir in Pregadi, non metando balota, aziò sia instruito di le cosse fino el vadi a la sua legatione. Ave tutto il Consejo, cussi vene in Pregadi.

Fu posto, per li ditti, che li Provedadori sora il colimo di Damasco, Alexandria et Londra, possino venir in Pregadi non metando balota, fin tutto Septembrio proximo. Fu presa, ave

Fu posto, per sier Zuan Dolfin, sier Francesco Bernardo, sier Hironimo Trivixan, sier Hironimo Querini, sier Michiel Morexini provedadori sora la merchadantia, atento li zuchari è in grandissima carestia e ne vien pochi de qui per esser stà apaltadi fora de questa cità, e atento a quelli di Valenza fo azonto ducati quatro per cassa, sia preso che li zuchari di Valenza e Cicilia possino esser conduti di quì con le galle di viazi, nave e navilio, si terier come forestier, e pagar debano i daci consueti, exceptuando l'angaria di 4 ducati per cassa, di L. 3000, che fu presa 1488 a di 3 Fevrer, qual sia levata. Ave 215, 2.

Fu posto, per li Savii, che sier Gasparo Contarini electo orator a la Cesarea et Catholica Maestà, li sia dato per spese ducati 480, a raxon de ducati 120 al mese, per coverte et forzieri ducati 150, per do corieri ducati 40, per il Secretario in don ducati 30, summano ducati 730, aziò possa andar a la sua legatione. Ave 174, 16, fu presa.

Fu fato seurtinio di tre Savii dil Consejo, in luogo di sier Domenego Trivixan el cavalier procurator, et sier Polo Capelo el cavalier che compie, atento sier Antonio Justinian, qual poria intrar Savio dil Consejo, vol intrar Consier et si fazi in loco suo. Si doveria far il quarto; sier Luca Trun vol restar licet doveria intrar Consier. Rimase sier Antonio Grimani procurator, sier Andrea Trevisan el cavalier et sier Piero Capelo; do savii di Terra ferma, in luogo di sier Andrea di Prioli e sier Francesco Contarini qu. sier Alvise, stati altre fiate: et li nominati et balote saranno qui sotto poste.

(1) La carat 140^a è bianca.

Fu posto, per sier Hironimo da cha' da Pexaro el Consier, cassar Zuan Batista da Fan conductier nostro con la sua compagnia, per esser infermo et haver fato mala monstra, e quelli danari siano deputati a l'Arsenal. Contradise sier Polo Capelo el cavalier, savio dil Consejo. Li rispose sier Alvixe di Prioli provedador a l'Arsenal, qual parlò per la parte. Poi parlò sier Andrea Gritti procurator savio dil Consejo, et l'ora era tarda. Fo rimesso a un altro Consejo. Item, li Savii ai ordeni voleano meter di riconzar le galle di Barbaria che non trovano Patron, et non aveno tempo.

141^a

Sumario di tre Savii dil Consejo.

† Sier Piero Capelo, fo savio dil Consejo, qu. sier Zuan procurator	123. 98
Sier Zorzi Pixani dotor cavalier, fo savio dil Consejo, qu. sier Zuane . . .	91.135
† Sier Andrea Trivixan el cavalier, fo savio dil Consejo, qu. sier Tomà procurator	157. 63
Sier Piero Lando, fo savio dil Consejo, qu. sier Zuane	122.108
Sier Daniel Renier, fo savio dil Consejo, qu. sier Constantin	73.140
Sier Gasparo Malipiero, fo Cao dil Consejo di X, qu. sier Michiel	80.155
† Sier Antonio Grimani procurator, fo savio dil Consejo	174. 54
Sier Antonio Condulmer, fo savio a Terra ferma, qu. sier Bernardo	31.198
Sier Alvise di Prioli, fo savio dil Consejo, qu. sier Piero procurator . . .	117.102
Sier Hironimo Justinian procurator. . .	85.140

Tre Savii a Terra ferma.

Sier Carlo Contarini di sier Panfilo . . .	91.132
Sier Marco Antonio Venier el dotor, fo provedador sora la Sanità, qu. sier Christofolo	103.128
Sier Benedeto Zorzi, fo avogador di Comun, qu. sier Hironimo el cavalier	67.160
Sier Marin da Molin, è di Pregadi, qu. sier Giacomo	112.117
† Sier Piero Contarini, fo savio a Terra ferma, qu. sier Alvise	135. 85
Sier Gabriel Venier, fo avogador di Comun, qu. sier Domenego	98.123